



4. maj 2026

UPA2026/100

Meeqqat atuarfianni annerni aalisarneq piniarnerlu pillugit siunnersorneqartarnerat qanoq nukittorsarneqarsinnaanersoq iliuusissatut pilersaarummik Naalakkersuisut peqquneqarnissaannik Inatsisartut aalajangiiffigisassaattut siunnersuut, aalisarnermik ilinniartitaanermut sulisussarsiortarnerup annertusarneqarnissaa kiisalu Kalaallit Nunaata imarsiornerup iluani piginnaasaasa nukittorsarneqarnissaat siunertaralugu. Siunnersuut EM2026-imut tunniunneqassaaq.

(Inatsisartunut ilaasortaq Jens NapätôK', Naleraq)

Siumumit Inatsisartunut ilaasortaq Jens NapätôK' Meeqqat atuarfianni annerni aalisarneq piniarnerlu pillugit siunnersorneqartarnerat pillugu siunnersuummik saqqummiussineranut qutsavigaara.

Meeqqat atuarfiat annertunerusumik inuunermut piviusumut appakaannissamut aammalu inuiaqatigiinni periarfissanik atorluannissamut piareersarfiusariaqartoq Siumumit isumaqarpugut. Taamaattumik pitsaasuvoq ilinniartitsinermi nutaanik, ulluinnarni atorneqarsinnaasunik eqqarsarneq ingerlanneqarmat.

Nunatsinni inuiaqatigiuvugut imaanut attuumassuteqartorujussuit. Oqaluttuarisaanerput, kulturerput aammalu inuussutissarsiutivut pingaernerit tamarmik imaanut tunngassuteqarput. Taamaattumik pissusissamisuuginnarpoq meeqqat atuarfianni atuartut imartatsinnit pisunik atuisinnaanermut ilisimasaqalernissaannut periarfissinneqarnissaat.

Meeqqat atuarfianni atuartut imartatsinnit pisunik atuisinnaanermut periarfissanik ilisimasaqarnerulernissaat aammalu siunissami ilinniagaqartarnissamut suliffissaqarnissamullu periarfissanik amerlanerusunik ammaassisoqarnissaa eqqarsaatigalugit siunertamut Siumut pitsaasumik isiginnippoq.

Peqatigisaanillu qanoq ililluta nunatsinni meeqqat atuarfianni atuartut imartatsinnit pisunik atuisinnaanermut ilinniartinnissaannut piginnaasanik ineriartortitsinnaanerput annerusumik eqqarsarneqarnissaa pisariaqartoq Siumumit isumaqarpugut. Ilaatigut immaqa siunnersuutigineqarsinnaavoq fagi pigeriigaq nunalerineq piniarnermut paasititsiniaanermut atorneqarnerusinnaasoq, tamannalu kattuffik suleqatigalugu ilinniartitsissutinut ataavartumik ilanngunneqarsinnaasoq.

Assersuutigalugu Qasigianguani aalisarneq aammalu immap pissarititaanik suliarinninneq tunngavigalugit immikkut ineriartortitsinermik ingerlatsiveqalernissaq periarfissatsialaavoq. Taamatut ingerlatsivik ilinniartitsinermut, nutaaliornermut aammalu inuussutissarsiornermik ineriartortitsinermut iluaqutaasinnaavoq, kiisalu aamma ilinniartitaanermut periarfissiilluni aalisakkanik tunisassiornermut atatillugu sulisunut.

Taamatut aqqissuussineq meeqqat atuarfiat, ilinniartitaaneq aammalu inuussutissarsiuteqarneq akornanni pitsaanagerusumik ataqatigiissitsisnaavoq.

Taamatuttaaq pingaaruteqarpoq suliniutit taamaattut piviusorsiortumik aammalu piujuartitsisumik ingerlanneqarnissaat.

Taamaattumik apeqqutit arlallit iliuusissatut pilersaarutissamut ilaasariaqartut qaqittariaqarpavut.

Siullertut: Ilinniartitsinerup pitsaasumik ingerlanneqarnissaa Naalakkersuisut qanoq qulakkeerissavaat? Meeqqat atuarfianni atuartut imartatsinnit pisunik atuisinnaanermut ilitsersuineq immikkut piginnaasanik pisariaqartitsivoq, aammalu taakku ullumikkut atuarfinni tamani pigineqarnerat qularnaarneqanngilaq.



Aappaattut: Periarfissat nunarput tamakkerlugu atuartunut tamanut pissarsiarineqarsinnaanissaat qanoq qulakkeerneqassava? Tamanna illoqarfinni annerni kisiat periarfissaanngilaq, aammali illoqarfinni mikinerusuni nunaqarfinnilu atuartunut periarfissaasariaqarpoq.

Pingajuattut: Aningaasatigut kingunerisassat qanoq ippat? Ilinniartitsissutit nutaat ilinniartitsisunik ilinniartitseqqinnissamik, ilinniartitsinermut atortunik aammalu suleqatigiinnernik nutaanik pisariaqartitsipput. Qanoq inoqarfimmi piniartut aalisartullu atorineqarsinnaappat?

Tamakku pillugit sukumiisumik aalajangiinissaq sioqqullugu nalilersuisoqarnissaa pingaaruteqartoq Siumumit isumaqarpugut.

Atuarfik inuusuttunut piviusorsiorlumik periarfissanik takutitsisarnissaa aammalu periarfissanik amerlanerusunik ammaanissaa pingaaruteqartoq, taamaattumillu siunnersuut Siumumit ilaleratsigu naggataatigut oqaatigissavara, taamaattorli aamma piffissaliussap aportoofiginnginnissaa eqqarsaatigalugu UPA27-mut Naalakkersuisut piffissaliisimanerat piviusorsiornerusutut isigalugu eqqaalaassavarput. Taassuma saniatigut Naalakkersuisut allannguutissatut siunnersuutaat ilalerparput, matuma aalisarnermi inatsimmi Aalisakkerinermut ilinniarfimmik suliaqartoqarnissaa siunnerfioreermat tassunga innersuussuteqarluta piareersarfittut pilersaarusiortoqarnissaa ilalerparput. **Siunnersuutillu aappassaaneeraneqannginnerani kultureqarnermut ataatsimiititaliamut suliarineqarsinnaa Siumumit inassutigaarput.**

Qujanaq.

Lars Poulsen, Siumut